

[fol. 48r]

Einnamb an Spundt- gellt

Aldieweilm Ihr Curfürstlich Durchlaucht sowol dem
Preumaister, alß Ober- vnnd Spundknechten
an statt des vor disem eingeforderten Spunt-
gellts einen gewisen Jahrs- vnd Wochensoldt
in Anno 1643 verschinen genedigist benennt, ent-
gegen fürters Hechstgedacht S^{einer} Churfürstlich Durchlaucht
besagtes Spundtgellt verrechnet werden solle.
Alß hat solches heür vom 15. *May A^o*. 1647
biß yezo zu Bscluß der Rechnung, wider den
15. *May A^o*. 1648, von hinauß verschlissnen
17645 Gannzen Virlvassen, yedem
6 kr., dann 2854 Halben Vassen,
yedem 4 kr., item 193 Achtl, yeder
3 kr. vnnd 740 Spizvässln, ainem
2 kr., vnnd in allem ertragen
1989 fl. 5 kr.

Summa per se [1989 fl. 5 kr.]

[fol. 48v]

Sonderbare Einnamb

Der [sic] Lederer oder Rothgerber alhir raichen
jherlichen auß der Ihrer Curfürstlich Durchlaucht angehörigen
Lohmül negst der Stattmühl (so hieuer
disem ain Walchhmül gewest) zu Zinß
vf Marthinj⁷⁹, ist diss Jahrs bezallt
6 fl.

Ingleichem zinsen vnnd raichen jherlichen
vf St. Georgen Tag⁸⁰ die von Kelhaim
oder Gemaine Statt alhie wegen des Vich-
schlachthauß, so negst der Curfürstlichen Statt-
mühl angepautt, in dise Muhl oder vorigen
Mühbesizern [sic], vnnd an heur wider guetge-
macht 2 ßd., thuet

17 kr. 1 hl.

⁷⁹ 11. November.

⁸⁰ 23./24. April.